

汝濱蔡先生文集序

孔子有言文王既沒文不在茲矣故
知文雖代變常以人存自六經刪述
之後中遭秦火老佛之禍詞章記誦
之習文幾熄矣宋儒闡明道學尊信
聖經本章義理一時人文炳炳烺烺
駸駸乎三代之隆矣及紫陽朱文公



集厥大成而蠶絲牛毛海闊天高之
替後世謂定論焉考宋諸賢惟文公
之著作最多最精雅前是而文者罕
足窺其堂真矣近世號爲文盛然談
道德者鮮實行操觚翰者多支言去
聖賢之道差常萬里夫又以載道不
載其道而徒虛乎之 何以文爲識

道者蓋深憂之我明自敬軒薛公以
理學倡一言一行皆聖賢之程今其
遺集若新書錄學若誦習而服行之
咸足以立身致主於鄉黨俗談道德
者弗能外焉顧乃有飾虛華若時輩
者可恨也我師汝澗涇蔡先生寧晉人
也舉嘉靖己丑進士官行人擢侍御

史以言事奪職起而再逐先生泊如也蓋自其爲學子時一志聖賢之學始於恒山張先生繼事施文節先生甘泉湛先生日以講明義理爲業迨老弗倦邇厥本鄉即近自敬軒以求紫陽之奧而上尋孔子之正傳者也故其家食時已篤周親卹困之誼仕則謹言批鱗觸邪若豸期不負君及放而歸乃脩黌序置學田表先哲教後進爲之束脩延師衣食而館舍之邑俗用敦悌郡師勸期不負所學顧性不喜爲文間以其學筆爲格訓或一時紀事敘述若吟詠性情諸篇章學者得之寶貴爲龜鏡余每訪取集之

類爲十卷其言道德性命之微天理
民彝之懿著矣余自甲午鄉舉受知
先生聞教獨久思傳其言乃與同門
通政李子仲西戶部李子仲清大理
陸子道函禮部尹子耕夫校正成帙
附以贈言二卷通爲十二卷刻置涑
濱書院由及門之士至聞知而私洲
者俾得以誦說焉先生之道在是矣
故謂文以人存不其然乎刻成敬爲
之序因以請教於先生云

嘉靖歲在癸亥仲秋既望日

賜進士第正議大夫資治尹戶部左
侍郎陞一品服色食從一品俸
鈞陽門生李承雲謹

汝濱蔡先生文集序

古之君子進則韋韋騰實正色朝端
而紀綱明於上退則垂俞懷珍以教
其邑之子弟而風俗醇於下此臣子
之偉節人倫之類美也夫豈可與拘
文牽俗沾沾自足者道哉迺余觀于
世則有可議者士方其挾篋藏脩殫

精畢慮以藻繪其文章砥礪其名節
何嘗不翩翩稱異類頌頌古豪傑哉至
出而用世往往返步少嚮改錯繩墨
媿阿附時大異所學爲世姍咲其有
奮然表樹者偃蹇空而弗容於時跼伏
雲林迺又遺世引以自高曼暇紬繹
舊業而啓迪後學也嗟乎出處之際
夷明哉非出處之難也士不素礱而
識之不遠也若我汝濱蔡先生豈非
高出近世而爲古之所尚者哉先生
寧晉人也自少有才名講性命之學
起家進士爲御史出按兩
淮河南風裁爲御史出按兩
罷歸再起再罷歸以構吉院汝水之濱

以舍四方之來學者日與二三子遊
息其間講孝弟忠信之行弘獎名教
扶掖後進一時青衿之子振衣而承
鄉者猶百川之宗巨海鱗介之附神
龍也且又捐貲賑凶脩實宮建射圃
立贍田之規表名賢之墓而鄉人翕
然稱焉由是觀之先生出處大節合
於古人之軌矣近世可多得哉余自
甲午鄉試受知先生謬首群芳自筮
仕以來夙夜兢兢恐違宗旨近同年
李方村諸公相與哀集其文謀之梓
以傳余得而論之曰記有之忠文之
實也智文之興也仁文之愛也義文
之制也四德根於心而出之則爲文

有德必有言也先生平生大節抗志
彈白之謂忠肥遯靈脩之謂智篤親
恤窮之謂仁表賢與學之謂義具茲
四美而又文之以詞章可謂有德有
言君子矣余有四方之役雖不獲與
二三子曰遊其門叩而請益今讀是
集恍然似有以識其大者因以質於
二三子永文言欽懿德庶古道可復
若徒以文觀豈先生志哉豈先生志
哉

嘉靖乙丑清明日山西左布政使前
翰林院庶吉士提督湖廣四川學政
洛陽門生吳三樂頓首撰

汝濱蔡先生文集目錄

卷之一

三先生祠堂記

名宦鄉賢祠記

名臣祭田記

新建射圃觀德堂記

正學書院記

曹文忠公神道碑

學田規條

書館誨言

新建養濟院仁濟堂記

書院贈田訓

收養貧兒記

新建百尺溝鄉小學記

卷之二

寧晉縣儒學制造文廟祭器記

陳文國題脩水利記

新建於家莊小學記

移建漢書亭侯祠記

元氏縣新建文清書院記

正氣書院完繕日記

玄塔寺碑

題神禹碑後

書三小學碑後

刻夫子真像跋

風折碑辯

楊斛山祭田記

晉州重建城隍神廟記

新建清源妙道真君神廟記

寧晉縣重建關帝廟記

新建真定府推官惠菴唐公祠堂記

卷之三

汶水紀別序

送別王東臯序

趙郡守馮白峰德政序

博野王府教授潘君序

趙郡刺史述職序

贈趙郡別駕序

邑大夫劉公德政序

教諭尹北川薦揚序

南宮尹中岳葉公德政序

送衡府教授胡山蒼序

送別交星中序

代諸生送凌惺中之任天雄序

四書埤傳序

壽孺人張母八十序

代贈心田魏二守德政序

邑大夫李賴源三柱史同薦序

贈中塘李子誠壽親序

卷之四

送關西三川王子序

送邑大夫述職序

送邑大夫劉公推太僕寺丞序

邑大夫王公督餉序

送張子軌遊成均序

送郭栢峰掌教武強序

送新樂五錢五泉序

書經便註序

封行人司行人曉江泰公榮慶序

邑大夫趙西城德政序

辭免建祠啓

兵馬指揮曹五益序

溧陽縣令阿西陞配孺人張氏墓誌銘

祭耆德鄭世芳文

卷之五

與王浚川左春院議禮會三氏之奏

與崔后渠司成論復飛龍之法

與許松學泉學論書室之棟

與毛東坡書論大機將帶

與王定齋司成論建舍屬書院

與劉松石都憲論並河及中州水利防河事宜

與簡一溪都憲論並河事宜

與甘凡山司成論次金龍口及琉璃河工

與簡一溪議汝南賑濟

卷之六

與吳望湖都憲論驛傳事宜

與楊處政司馬論邊備

與王岷南都憲論平倭

與毛介川都憲論首兵制

與陳見吾兵憲論保甲

與查碧山人守議興修水利

卷之七

五言律詩

送趙侯齊方伯歸家

九日登翠峯山

寄 祿

同劉羅湖司徒登滕王閣

送羅南園別駕

石洞

望華不注峰

寄省龍濟道長

同李蒲石正郎泛舟大陸澤

送李少府

秋雨課諸生

古鄆道中

避雨逢舊識

月下石懷田南曉太僕

雨後刻行二首

泛舟大陸澤

中秋待月

贈新河尹蔡汝陽

諸生下第

送孫衛幕署縣回中山

先妣忌辰

大雨也者王月前韻

述夢示諸生張道行黃汝登李君珍三子二首

示諸生胡汝詢王子觀二首

再示諸生劉尚故王時順二首

春雪二首

中秋和韻

五言絕句

題友鈞卷二首

早春

暮春

暮春訪郭德泉二首

沈氏子文集卷之十
題胡正春書畫四首

春雪候鴈二首

六言絕句

再訂諸公寄詩並道序二首

五言古風

遊海味寺

九月

寄謝維九奉主政

雪夜會亮寒魚集題長

寄柯雙峰道長

貧家女

憶亡弟

寄柯雙峰道長

栢林寺送周尹西歸

登趙州城懷古

新秋勉諸生

答諸生問學

題阿西陲旌表圖并引

中秋月下與客同飲

孤老行

田家告災二首

贈趙東壁宗城

卷之八

七言律詩

謁西樵山真武廟太史書院

過秦和謁諸葛文忠公祠

過秦乾河入雲中

百泉書院

九日登歷下尹公亭

送趙丙

歷下逢陳鵠湖僉憲

壽司空甘九山母太夫人

送徐夔谷和守

送劉西溪和守

寄郭似菴總督

寄代郡阿西陘

送李湫南大參

和張北海太守來韻

和陳文岡丁祭

春日詠懷示諸生石文燦張道隆二子

和陳文簡園紫荆閣寄意

郊饒陳文簡

送張允溪同調署縣還

送張伯隆赴輝縣丞

大悲閣

陽和樓

赴張公使大府邀未盡放舟之興歸來却寄

贈趙郡守

第一泉

寺相材僧

登友人水閣

壽王二山母夫人

贈李秀才

題范西園郡守封雙親卷

和河西陞寄韻

閒居有懷王履泰道長

送張順承少府考績

和張道顯春日詠懷

郊遊携翰汝溪喬子楨二子

送趙郡守徐雙臺致仕東歸

賀王槐亭生女

送賈後川西歸

端午與邑令放舟

送徐都閩平倭

壽王東臯

壽趙東菴幕府

九日同邑令登樓

送李二尹

曾李景山兵憲

謝楊中洲別駕見訪

贈張鍊師

送江芳溪司馬平倭

壽楊恒南大叅

送縣幕致仕

書院來鶴

和張道顯水閣韻二首

代學士論送于簿之元城

代縣尹送于簿

送縣尹致仕

賀王三川司訓

贈邑葦二首

壽王自新祖母節婦董氏八十

送魏學教赴平陸

賀張北海生子

贈張北海太守

贈劉席珍

送商汝登應貢

謝友人饋墨色猫

壽石邑西門氏仲二首

春遊二首

病中謝雙鶴劉子凡訪二首

乞柳

贈臨城尹正軒

頌李蟠峰中丞

送別凌惺中

送查碧山赴東甌兵憲

贈孫邨田兵憲

贈陳文塘太守

卷之九

七言絕句

題朱平野憲使湖山圖

招隱寄荳復禮方伯二首

雪中憶南海倫太史昆仲

憶章丘四友

憶戴德川都諫

憶屈會溪京兆

憶孟津縣

桂源別號

默軒別號

答劉微山著易解樂義二首

栢林寺

安濟橋

寄鄭蘭禱

寄劉珠亭

津橋二首

春融觀物

長夏清幽

涼秋佳興

冬雪開爐

卜築寄揚武卷司徒二首

招隱寄鄭松峰

贈選上人

送李樂菴赴池州司訓

歷下薛家池館

送故人

謝李浦石正郎見訪二首

喜雨一首

問僧一首

偶成

雪中憶舊遊二首

立春

寄呂冰溪

題郭柏峰別號一首

贈徐處教致仕

送揚州某醫士二首

雪夜二首

寄輿一首

送尹北川守制一首

贈鄭松峰二首

秋夜

秋興二首

訂交寄鄭克時二首

春日閒居

謾興贈李東野歐厚齋二首

夢郭紫菴

題畫一首

送李都博赴光州

勉鄭克時

王瀾高別號

寄孟津李根秀才

尚菴別號

春日訪友二首

獄中別楊解山道長

獄中別胡清川正郎

衛新菴龍朱利二首

謫中與家彈琴

謫中與客吹笛

春雨照波兒溪

卷之十

七言古風

月夜同南海諸公具遊海城寺

送吳兩室

和氏璧

九日同諸友賞菊

移竹寄真定許氏

先兄誕辰

邑大夫造上

讀宜陽去思碑有感

賀胡止菴堂放生孫

戒獵者

東谷同前首贊龍舟

周水田溪詩四首

公孫子贊

韓淮陰贊

銘

觀德堂銘

雅章

祭甘泉法先生雅章

祭恒山張先生雅章

祭死洛韓先生雅章

卷之十一

附錄

記

汝濱書院記

甘泉湛先生

汝濱蔡子瞻田記

谿田馬理

汝濱書院記

文岡陳棊

汝濱書院記

中麓李開先

侍御汝濱先生重修廟學記

門生李登雲

汝濱先生祠記

見五原陳大賓

汝濱蔡先生祠記

汝濱蔡先生祠記

汝濱蔡先生祠記

門生李登雲

序

汝濱語錄序

汝濱語錄序

歲

息存箴并序

甘泉湛先生

銘

息存堂銘有引

谿田馬理

汝濱書院碑銘

門生陸東

表

勅封蔡公墓表

后渠崔銑

勅封蔡公墓表

孟河馬一龍

傳

御史蔡公傳

止菴胡向

檄

表揚有道檄

崇異德學檄

恒南元德檄

謝興水利檄

書

寄蔡侍御書

寄汝濱蔡先生書

謝汝濱先生書

答書

答書

答啓

答啓

答啓

答啓

復啓

復啓

復啓

復啓

謝啓

謝啓

思齋霍冀

介川毛愷

岸泉王漸

碧山在絳

甘泉湛先生

豫春衣洪愈

見吾陳大賓

杏里王昇

虞房楊博

蟠峰李選

岸泉王漸

脈泉李冕

承山宋岳

野温如璋

少溪謝九儀

李選

西溪李長麟

中石金柱

李世登

謝啓

惠養厚汝迪

謝啓

門生裴國

寄問

門生陸東

寄謝

鳳樓添嘉梅

寄問

于闐傳東光

寄謝

蟠峰李遷

謝柬

惺中安廻知

謝柬

梅泉劉松

謝柬

青巖魏尚純

謝柬

介川毛愷

答柬

蟠峰李遷

頌

德學作人頌

蓋齋趙世相

叙頌德之音

嵩渚李濂

頌德賦

門生方鯨

卷之十二

詩

書金陵之詠寄汝濱侍御

甘泉湛先生

詔獄言別

斛山楊爵

和斛山韻獄中言別一首

晴川劉魁

過真定寄問

谿田馬理

寄問

前人

便寄

龍渚智如思

過汝濱草堂二首

雨山郭登庸

秋日寄問二首

強齋歐陽輿

訪汝濱書院

定原呂顥

訪汝濱

南墅張子立

寧晉校士

少溪謝九儀

宿趙州行空憶汝濱杜史

文圃陳恭

送別

鵲湖陳明

送別

少公

過訪

循塘尹梁

寄問 前後共七首

西陸阿其麟

憶汝濱

北海張鵬翼

餞別

門生吳三樂

送別

門生李登雲

送別

門生孟淮

訪汝濱

晉川梁應麟

謂汝濱書院

門生陸東

訪書院

貫溪羅廷唯

書院謾述

吳軾喻時

奉謁書院

門生周鎬

謁書院一首

門生李凌雲

留題

西瀛王文翰

奉懷寄問

門生王嘉言

奉別汝濱

惠審唐汝迪

奉寄汝濱先生四首

門生劉炎光

寄別汝濱

豫南陳璋

送汝濱先生二首

門生李洛

送汝濱先生

門生徐行

頌德篇三首有序

門生張四維

送汝濱先生

門生陸東

送汝濱先生

門生張東銘

寄問

門生孟淮

病中得汝濱道長書

訥齋李思柱

謁汝濱先生

脉泉李冕

訪汝濱書院

景山李一瀚

寄題書院二首

門生徐自得

寄題書院二首

三溪李孔陽

三先生祠堂記

三先生祠祀甘泉湛先生苑洛韓先生恒山張先生也
 皆吾師祠以報之也予初學時記誦詞章以就舉業及
 觀濂洛關閩之書恍然有覺乃知聖賢繼往開來盡性
 事天之道不在於是後聞恒山先生罷官講學接引後
 進遂受學焉先生師道嚴肅動有準繩恒以性命藝倫
 為教嘗曰今日間居講論他日見諸行事則無相負縉
 紳之士雅敬先生崔后渠篤論君子也稱先生為當代
 殊絕人物故士之出其門者多尚名檢予登第後師事

苑洛先生先生醇厚簡靜潛心往哲躬行實踐為世儒
宗講明經傳理性以倡後學所至之地學徒雲集為大
理時予受教於門下逾二載因先生出撫三晉甘泉先
生由南司成入為少宗伯始得授教於門下先生天性
孝友早從陳白沙先生遊涵養造詣已至入官後倡明
絕學一時海內名公及講學之士翕然從之先生光霽
如周濂溪樂易如程明道研精詣極如朱晦菴恒以二
業合一為教欲學者誠身以及物篤近以舉遠嘗曰孔
門授受惟在求仁仁則內外合一天地萬物一以貫之
其所著述皆真見獨得昭融精到足以開悟來學故士

之造其門者隨其資之高下各有所得君子評曰自程
朱之後教澤所及之遠門徒之衆一人而已其在南
海曲徂之南都淮訪九章之文以俱有書院皆慕義
者創成先生之廟時士大夫大小無不願其諸生暖慕誠服
樂遊其門及先生歸而後人時而致仕歸及門之士思
之尤切聞風之士亦思之而往者復得予再遊及還家居者
二十五年故諸生從遊者亦分遠方之士遂築書館於
浚水之濱以報先生之教信其心曰苑洛恒山二先生
已矣甘泉先生今年九十有四是在七十里外前於丁
未歲始得一春予聞承先生賜書院記息存箴路遠無

由侍教嗚呼師道之重在傳道授業造就之恩同於君
父記曰左右就養無方服勤至死心喪三年予何以為
報乎乃於書院中建三先生祠春秋率諸生行釋奠禮
朔望祇謁若云報德則不專在禮文也諸生果能相信
勉進三先生之道庶幾為不負夫子所以報祀三先生
者亦以答迨諸士也甘泉先生廣東增城人諱若水南
宋兵部尚書所著有甘泉文集春秋正傳粹言等書苑
洛先生陝西朝邑人諱邦奇吏部尚書所著有性理三
解等書似山先生真定晉州人諱曙南京都察院右僉
都御史所著有東坡集等書用是作記以詔夫後之來

學者

名宦鄉賢祠記

鄉先祠名宦鄉賢

制建於茲皆萬勸激也夫祠思也士大夫講其祠仰其
風為臣思忠為子思孝無感弗思則無乎弗勸矣肯矜
之士日遊於斯景慕前修不有與處者乎寧晉舊闕此
典近雖建祠於應祠者未定猶大闕典也予自放逐里
居慨典禮不修無以稱

朝廷制祀之義乃稽前史及誌記所載詢之耆舊然之舉
論名宦則取周楊氏大夫僚安左傳稱楊氏大夫之賢

唐瘦陶縣令李公懷仁德政碑云民率其令遊惰革習
寧晉縣令程公處默唐書云為民興修水利地用豐潤
民食乃甘宋縣尹齊公世卿興學化民金縣尹吳公微
德政寬平俱見邑誌

皇明知縣陸公愉教士勸農奏請蠲負徐公以貞才優政
善民懷其惠方公榮政嚴意寬去後見思俱見去思碑
李公鳳清儉平易撫字居多陳公海濂明才幹均田便
民陳公禁以諫官謫任修舉典章政由古道教諭吳公
河端本立教勸有準繩紳賢則取漢高士孟公敏見重
於郭林宗遊學知名徽辟不屈見漢書宋樞密使兼侍

中曹公利用慷慨忠烈奉使不屈遂定和議見宋史金
監察御史康公勛忠直敢言彈劾不避見邑誌元雲雨
行省參知政事王公忱法行其威忠諫屢陳為行先生
陳公忠隱居鳴道後生從左丞封河南郡公謚忠定
陳公祐歷政有聲不避權貴屢陳忠諫生慕死哀行中
書省平章事封趙國公謚文忠陳公天祥屢斥權奸克
平大盜忠謀瀕死重於時翰林院學士承旨柱國封
魯國公謚通敏陳公思謙通達國體言切時宜建功立
業克紹前人俱見元史

皇明北平布政司參政趙公耀從魏國公徐公翊運參謀

惟惺綜理慎密攻戰守備機宜方略耀皆與焉見開國
功臣錄贈太傅吏部尚書文淵閣大學士諡文忠狀元
曹公爲天性孝友安心理性歷登館閣爲上倚毗因事
納忠善於大事時雖昏亂此跡東楊居歸地征忠諫阻
格後於土木見天順日錄諸書嘉議大夫南京兵部右
侍郎三公詔發跡郡庠也爲桑梓庶諫垣藩撫事持大
體忠清直諫力辨奸邪平五家見大學士李東陽所
刻神道碑表議大夫名州府同知三公齋歷官京尹別
駕威著政蹟廉平公謹爰有爲揚公傳表親錄明親故
夫此諸公雖顯晦崇卑各異而道業可仰則同享祀誠
爲無忝矣乃與邑大夫師生定次備儀春秋舉祀一邑
典禮於斯始備諸生問曰先生修舉鄉賢墓祭搜訪惟
恐不盡於名宦鄉賢所取止此義將何居予曰修舉廢
祀事近於厚故不得不周尊賢重典義在激勸故不得
不慎嗚呼世代既遠考稽難盡一時尚論豈無遺失士
大夫幸賜教焉若夫近年名宦鄉賢公論待久而定則
在後之君子

名臣祭田記

予少歲聞吾寧晉東延白村滄水上有宋樞密使檢校
太師同平章事曹彬墓神道碑尚可讀碑陰有宋金元

迄我

朝曹氏宗派按宋史公為靈壽人墳墓在此未詳其故正

統間吾邑文淵閣大學士曹文忠公為侍

英廟曾詢及公之先世對曰臣曹彬之後蓋必有據矣正

德已卯予赴順天鄉試舟行過其地時滹沱漲溢舟不

可到但見碑出水上者數尺此後服官京都竟未暇一

弔其墓訪其遺跡嘉靖丙午盜發其墓神道碑并誌文

俱推毀字不可辨矣嗚呼古昔名賢為世共仰士君子

經其故址其遺跡莫不感慨踟躕不忍遽去况衣冠

所蔽體親之所託邪公端懿仁厚為宋社稷之臣平江

南不妄殺一人而仁愛及於昆蟲歷世之後不能保其

丘隴良可恻也予買其故地尋其跡而封之擇謹厚生

儒二人耕其墓外之地以供祀事曹文忠公墓在浹水

之上嫡孫世官京師祠墓俱見過者惻然况為當代名

臣後人瞻仰故置墓側田一區付之嫡孫及族人為序

生者以供祀事積有贏餘用以修葺祠墓為公後者義

當世守雖貧亦不可與賣因并求吾邑歷代諸名公之

墓如漢高士孟敏在輔都尉片實京兆尹尹立宋右補

闕曹諫樞密使曹利用全司農永康賜元節度使王義

節度副使王王

國朝功臣參政趙耀碑石俱毀蓋因兵革之變子孫轉徙盜發其藏爭用者毀其碑以滅跡雖丘隴石器猶存而姓氏則無復可考惟廉訪使荆元綱總管段德隆諸墓後人猶存北陳村陳氏墓內有茂行先生陳忠左丞忠定公陳祐集賢大學士文忠公陳天祥中丞翰林院學士承旨通敏公陳思謙之墓夏庄村有廉訪使王忱張家莊後有尚書重錫通政院使董餘中曹村有御史曹端內江村有鎮南軍節度副使張大翼于台村有順德路總管張公爵墓碑石遺跡未毀後人無一存者予并為修復各置墓側田一區亦各村生儒二人俾供祀事夫此數公者雖名位功業不同其賢皆為可尚予為復其丘隴修其祀事實兼發好德之心有不能已者故用記之學宮後之師生幸為查稽祀事責其必虔或生儒有故擇謹厚者代之俾獲求文地有也焉夫國家之法所以止盜誅亂士君子修禮所以明義厚風君子能明義以勸俗小民必守法以趨善豈但數公之墓并諸名公之墓皆可保於永久矣而化導激勸則有所自也後之觀者亦將有感於斯言

新建射圃觀德堂記

學宮之有射圃

制也法成周之遺意以教多士俾思復古道者有所攷焉
昔成周以鄉三物教萬民一曰六德二曰六行三曰六
藝射者六藝之一鄉大夫三年大比攷其德行六藝而
賓興之上以是為教下以是為學道洽政治化隆俗美
良有以也爾多士日遊於斯沐

聖朝之化興慕古之心講習涵泳於是而有得焉如親見
古人於千載之上而與之揖讓周旋於賓主之間因以
求夫成周之所謂德行六藝者而進修焉安知古道之
不可復見於今日乎吾寧晉學宮之西舊有射圃規制
隘陋予為改建於泮坊之西建觀德堂三楹表之門觀

繇以增垣階級鵠屏咸備其址為門生商科所捐替其
成者知縣濟源程朝元主簿涇陽李梧典史麻城汪諾
教諭濟寧州胡向訓等以知東平州徐大經督
工門生張九疇劉聘落成之日與諸賢及庠生二百餘
人舉射於斯邑中士夫皆來觀禮且喜古道之可復多
士之有幸也嗚呼物有成毀興廢在人後有賢邑令鄉
士夫與予同情者時加修葺焉俾射禮常存士心興起
德行六藝可使漸復庶無負於

國家作養之恩以裨雍熙太和之治斯為美矣夫禮有本
有文禮樂其文也德行其本也觀孔子射於矍相之圃

使門弟子揚觸之言其為道亦嚴矣多士習射盍亦端其本乎謹書此以詔夫後之人

正學書院記

予再放逐里居教授生徒于今二十六載

柱史廬陵毅齋楊公按歷茲土詢及草野之士諸生過于稱道遂命有司建立特祠竊惟古之鄉先生祭于社者以出則定功處則立言德在人心故後人報祀不忘耳愧予見前明時上未能報

君父下無以進海國教授生徒乃儒家常事修葺

廟學

多遊門下意出阿私聲聞過情予寧不為恥耶夫曾子大賢也至於易簣方云自免百年公論蓋棺始定予安能必保于將來再辭不獲且承

臺院諸公及士夫親黨見助予知事不可已因思去歲修葺學宮仍其舊貫號舍甚少諸生二百餘人無所會講就此以為增拓之計良亦便矣乃於學宮之西創建講堂三楹後堂三楹退寢三楹兩廂六楹東西號舍四十間講院門一座工將落成進諸生語之曰汝知此意乎曩者此舉重違諸公之命今日事成不已過侈乎予與諸生心則相知道則相合盍相體乎與其祠予一人

孰若與一邑共之以為諸生講學之地諸生雖多舊號
舍不足加以今所建者則為有餘俾之樂群相觀於文
教豈不大有裨益請更此祠為正學書院達之
臺院諸公亦必見從夫人顧有以得其心為悅而以名
勝為恥者諸生幸相體哉諸生請曰先生之意吾輩其
悉之矣敢問正學之義何居曰君子之學一也所謂正
學者對世俗之學言之也摘章繪句統為進取顧於身
心之學漫不知意以儒為宗以六經語孟為訓既仕而
棄其所學若筌蹄然居家未聞老友出而用世又安望
其忠良直道有益於上下耶諸生涵養於此果能尊三
所聞于甘泉師者體認天理無或間斷使動靜交養內
外相孚體用合一通天地萬物為一體是為有本之學
學斯正矣發之于言足以垂訓措之于政足以匡時此
帝王周孔之所傳漢唐諸子之所講明諸生平日
之所服習者外此皆無關於性命無益於世道非吾之
所謂道非吾之所謂學矣諸生能守此訓是為不相負
是為報予後人以道相傳者必曰聞前輩有蔡先生者
辭其祠以為吾輩今日講學之地且遺茲訓雖未及門
幸獲私泐使正學常明風教有賴予之心事得以久而
不泯豈不愈於建祠哉若諸生必欲崇侈此祠以為尊

師重道是知我猶未至其相行亦淺矣因題此以詔諸
生以識書院之始

曹文忠公神道碑

文忠公諱純字萬鍾別號恒山先生世為寧晉縣人遠
祖宋樞密使檢校太師同平章事封濟陽郡王曹彬高
祖茂興曾祖克柔祖庭訓贈齊議大夫吏部右侍郎兼
翰林院學士祖母孟氏贈太淑人父祉贈齊議大夫吏
部右侍郎兼翰林院學士前母孟氏母薛氏繼母吳氏
俱贈太淑人祉以明經教授鄉里撫巡上其事

詔給賜學士大夫榮之公幼有選志日誦數千言學於齊

魯聞見益廣居常事繼母備極孝養初舉鄉薦中乙榜
授代州學正疏辭改本和縣與史疏通俊奕明習吏事
鄰境疑獄藩臬多委之悉得其情時中使旁午置郵無
虛日公處之裕如暇則延諸名儒講明理性之學公父
母早逝構一堂扁曰永思古之名士多為題詠以稱其
孝議論純正詞翰清雅上君子咸重其器識宣德壬子
督部工匠赴闕疏乞會試中式第一名揚文貞公一見
奇之及

廷試

宣宗策以裁函河洛象數公對稱

吉

上親擢第一賜進士及第授翰林院修撰師事楊文定公
所得益深

英廟初御經筵掄選講讀官公首預焉敷納明暢聽者竦
敬預修

宣廟實錄轉侍讀五年慶成宴公以侍讀未與

上輒召入殿中坐於學士下其恭頌如此復簡入

內閣參預大政甲子進學士乙丑廷試讀卷得商輅為

第一是歲陟吏部右侍郎仍兼學士己巳五月奏侍講

劉欽修撰王振憲教庶吉士修撰許彬郎中潘勗堪督

四夷館從之當時咸服其知人時天下晏然公既參預

大政為

上倚任啓沃良多事無不言言無不納故不待章疏之陳
而

上自無失政史氏云自東陽歿後議大事多決於公明敏

之才頗相類馬鐘中官王振憲橫見公亦曲加禮敬巍

然為朝著表儀是歲七月虜酋也先大舉入寇中官王

振力請親征

上命公及文武大臣扈從巡邊是月癸丑次白登欽天監
以象緯示變諫

上不從公進諫曰臣子固不足惜
主上繫社稷安危豈可輕進

上將班師公請從紫荊關入中官王振矯制俄復折而東
竟由居庸關八月辛未次土木虜大蹂躪我師敗績死
者十餘萬人公及諸臣皆死之嗚呼奄宦矯制阻格忠
謀致

車駕蒙塵全師覆沒良可悲也

景帝開之期祭祿大夫少傅吏部尚書文淵閣大學士謚
一文襄遣官諭祭官其子思為翰林院編修

英廟復辟加贈太傅改謚文忠復官其孫榮為錦衣衛百

戶公生於永樂甲申五月初八日卒於正統己巳八月

十五日公兄弟四人兄禹弟昂正統戊辰進士吏科都
給事中次禹公娶司氏繼娶劉氏俱進贈夫人子思承
蔭陞尚寶司卿女子二人長適南京兵部右侍郎王詔
次適蓬萊縣知縣李瑛子聞之故老云公厚倫篤行遠
於理學積之淵默宏深是以應酬制作為

朝廷所重使非遇難其相業當各從伊傳矣始終大節為
當代繩臣而未罄厥施為細細其相史氏贊曰六龍北
狩八駿西馳龍沙遼遠狼山逶迤矯矯倫魁耿耿大節
其身雖殞其神猶烈人亦有言太山鴻毛之子之死當

辨秋毫蓋為斯世斯人慟歎公歿已百年神道碑未立
祠墓傾圮過者惻然予不揣淺陋謹取典籍所載及故
老所傳者次第其事刻之墓左後之名公鉅卿為公制
作者庶有所考焉復為公置祭田五十四畝五分付之
嫡孫及族人為庠生者守之亦實仰德之誠有不能已
者因併記之

學田規格

予置學田歲登其租為貧士婚喪周給也師友屢來相
議事無規格何以經久因再與定約諸士之貧者分為
三等全貧則助喪七石助婚六石周給五石半貧則助

喪五石助婚四石周給三石稍貧則助喪四石助婚三
石周給二石喪謂其父母或本生不幸婚謂本生周給
則困窮疾病无妄之咎亦謂其父母及本生若伯姪若
兄弟若内外之親雖欲推廣用則難周復思士君子必
崇尚氣節情雖迫切義取于人師友聞之即與資助務
足其用無待其請荒歉之歲積貯有餘酌量通給願辭
者聽蓋師生有父子之恩朋友有兄弟之義重誼厚倫
要之合禮推心濟急在養其操斯為美矣過與傷患過
取傷廉君子病之觀孔門辭受取于有道存焉可為後
世法也夫學校風化之地師友四民之表道義風行民

德歸厚吾端有望焉謹告

書館誨言

予既再故集此隱居諸生從遊歲久亦有遠方之士愧非模範姑舉所聞以為諸生進修之助夫吾人之所謂道者原於天命具於人心占今天下之所共由也但清濁質異善惡幾分有鼎若于恒性者聖人者憂之風之以道德仁義一之以禮樂刑政所以變其異而及其同也自伏羲堯舜迄於夏后殷周率循此道至於孔子以不在君師之位乃立言垂訓顏曾思孟實傳其道曠代之下復有濂洛關閩諸子先後講明其傳為益廣後之談道德仁義者必宗孔子是伏羲者闢道之祖帝王者修道之祖孔子者明道之祖夫聖人之教幸以對世君子學道實存踐履若居人以紳三物教民而民化之無不力於孝弟忠信禮義禮也進退我

聖明建學立師博叙羣倫以六經語孟為訓老子莊列諸書不以取上啓迪端風化美矣是以真儒迭出轉世覺民近世乃有務為名勝尊卑論辯高者入于空虛卑者溺於見聞踐履之功則無非所以求道也爾諸生涵濡聖化又矣祖述孔子憲章顏孟取正程朱亦既有依據矣然道必有本學貴知要不求其本則汗漫而無成不執

其要則徒勞而罔功心者天地萬物之本能定其心則萬理皆應身者家國天下之本能修其身則萬化皆順孝弟者仁道之本德立而萬善從之始于家邦終于四海矣是則理本諸心化本諸身仁道至大本諸至近此三者匪誠弗固匪敬弗存蓋誠者聖功之本而敬則聖學始終之要也昔受學於甘泉湛先生先生教予體認天理予以一心觀萬心以一理觀萬事處處體認處處天理合內外徹人已無大小無遠近萬殊一本無不相通也又曰二業合一學以資乎仕仕以行其學窮養達施豈有二道奈何持守未定者既仕而棄其所學者

學自學仕自仕君子何用於為學也必二業合一斯為君子儒矣又曰知行並進夫學以志道知行者體道之功非知則行無所見非行則知為無物程子亦曰知有淺深則行有遠近二者實相須也學者必知行並進斯內外合一事理渾融而無偏廢之失矣此先生垂訓之要指接引後學之心也今予逾五望六道不加修懼負先生之教獨望於諸生者不淺矣嗚呼學不志道是為未學道不法聖是為非道學者之病在安於苟且以聖賢為不可及不知聖賢之道皆人倫日用之常不外於吾之一心耳苟能反而求之動靜有養本體常存由身

而家而國而天下此心之用達之無窮矣諸生非不博聞強記也必當主敬以直其內致知以窮其變躬行以踐其實貞固以堅其守先生之道其在是矣聖賢之道其在是矣尚其勉諸

新建養濟院仁濟堂記

郡縣皆有養濟院乃

朝廷憫念窮獨無後之民

命有司立院以收養之載之

憲綱御史按歷首加存恤吾寧晉窮獨孤老百餘名皆仰給官廩遇凶歲不繼多致餓殍且貧無葬具往往棄之

溝壑誠為可哀歟自放逐聖君恭興為事歲久所積不

欲為子孫之慮况此輩中亦多親故乃為置贍田二處

共計四百畝送官歲取其租以補凶歉別置義塚二段

共三十畝以贍孤老及貧民葬地每孤老亡故給粟以

為葬費院中積貯亦不少數間年久敝壞變為改建四

十間大門一座繕以崇修皆柱間可又復以憲臣臨視

無所建堂三楹題曰仁濟大

天地之大德惟在生物

聖王之大政惟在養民憲臣守令皆有宣布德意仁濟斯

民之責益斯堂也視顛連顛頽之狀惻怛之念油然而

興衣廩缺乏思以處給之房屋敝壞思以修葺之疾病
患難思以救療之使呻吟瀕死之民遂生養安全之願
不亦大有濟乎贍田義塚慮歲久無考或致湮沒也用
是作記以詔後人

書院贍田訓

書院先有田以給諸生常苦不繼續置地共二十頃為
書院贍田乃召兄之子顯忠遂良子宗亮弟之子佐賢
兄弟一清等計之曰汝知此贍田之置乎非但給諸生
一以祀先合族一以周給親故一以教誨後人咸於此
取足故曰贍田畀汝等共之汝等其聽吾之訓言乎汝

或不聽吾之訓言則汝子孫亦豈肯聽汝為吾子孫者
勿曰此田吾祖父所置而有驕吝之心為吾兄弟子孫
者勿曰此田非吾祖父所置吾何有焉自汝輩言之各
一父母各一形骸各一命各一吾弟言之同一父母同
出一形骸昔爾在幼年上進顧念日後人之事惟爾是
望夙夜惴惴懼不稱之命今年十八載始得登第再
擢言官兩遭放逐遂於林下者又二十載日用服食必
從儉素積有贏餘於此田上以成爾祖之志推之以
及後人良亦難矣今吾曰汝衰老上未能報
君父下未能範鄉閭使爾不忠無能以身為教故建此舍

字置此田地以為汝等修舉禮義之資汝其聽念之哉
自今以始贍田之入擇族之年長情敏者一人司其計
諸讀書子弟與凡有取用必告諸族之最尊長者聽
其裁處勿過奢勿吝吝勿用之非禮斯可長久也何以
口祀先令族歲時節序之祭必宗子主之讀書者助之
蓋宗子當祀先讀書者知祀先之禮也宗子先期告之
尊長尊長命司計者出所贍一以備祭品一以備酒餼
及期宗子率族人或祭于祠堂或祭于墓所禮畢則以
祭餘及酒釵餼次設席長少咸在獻酬以禮相勸以善
勿過飲失儀勿互生嫌隙此因祭先以合族因合族以
篤愛齊家之道也何以曰周給親故本族有婚者嫁者
喪葬者讀書者必告之尊長尊長命司計者出所贍以
助之不問貧富定數皆同如官及仕者不受亦聽其辭
也外族有婚者嫁者喪葬者貧不能舉計出所贍以助
之親疎遠近各有等差必預為之慮無待其自白也本
族有貧乏不能舉計讀書者必告之尊長尊長命司
計者出所贍計其月務足其用古凶之事尊長率合
族與之營辦患難必相救援扶持亦並為資助外族
及故舊有貧乏不能自存或遇荒歉當周給者並出所
贍親疎遠近各有等差必預為之處無待其自白也蓋

本族吾之同氣外族吾母族妻族血氣相屬故舊亦我
 所當急者何以曰教誨後人本族子弟讀書俱今在書
 院其延師之禮飲食之類悉出所財務足其用外族子
 弟來就書院者同一供給門生及故舊子弟有家貧來
 就書院者亦同一供給常使此地英賢萃止師友講明
 以泐後人為益多矣外此祠墓書院之修葺器物書籍
 之補苴悉出於此或遇荒歉必當捐量裁省若歲久積
 有贏餘益當增置贍田田益增則用益充足矣嗚呼子
 孫能守此訓則身修家齊族必昌大或有立心不城謀
 毀書院分析贍田者合族以大義責之知不從是為不

老翁遺書之二

汝濱先生

吾族吾族之人其有能守此訓者必昌大或有立心不城謀
 毀書院分析贍田者合族以大義責之知不從是為不

他如甲不族分... 汝濱先生

觚乞求道路... 汝濱先生

入無人扶助疾病... 汝濱先生

不兩有所濟俾各... 汝濱先生

扶搜携抱權類... 汝濱先生

圖置田三百畝... 汝濱先生

種歲取其租一... 汝濱先生

以補孤老... 汝濱先生

弟子問曰先生令養濟院收養貧兒恩意豈屬是使無
 子者有子無父母者有父母幼者有所託以成其始老
 者有所倚以善其終意則美矣但彼轉徙已久志意無
 定強以人合稍長必去終孰無器乎進而語之曰子之
 為慮亦有然矣但此輩出於饑寒而死之餘而遂其養
 育保全之類彼亦有人心者安忍背去况已託人教之
 孝弟禮法以長其心愛寧不有所聞於感動初予一念
 之前既不能自始為此以盡吾心而後君子之道必
 大其心以體物使民則物與之念當存體之而道有可
 世乎嘗有
 此理之可推意在化道鄉鄰
 啓迪後學耳安知吾鄉長者不興起是心乎安知汝輩
 他日為政不推是心乎五年已棄無復可行之幾庶
 幾數之
 汝輩之
 弟于遊廉謂曰謹聞命矣因併記之

新建自入溝鄉小學記

水經云大白渠東入汶河又東分為二水枝津石出東
 南流謂之自入溝俗云百人口聲轉訛也在楊氏東楊
 氏寧晉之古邑名而自入溝實寧晉之右鄉也其地與
 冀州東鹿數郡邑犬牙相入數郡邑之民雜居之去各
 郡邑俱遠號為難治間有驕悍子弟結納非人時一敗

露則曰白尺溝之民爲之也兩室及鈐司建議將築城
置守禦以彈壓之予爲白其事知非此鄉之民乃移公
署於新河但驕悍之習未泯而遊俠之徒間出何以興
禮讓而成善俗乃謀諸耆宿曰風俗之不美是長者未
知禮少者未知學也蓋亦端其本乎我

皇祖聖諭教民且令各郡縣鄉闈皆立社學是三代化民
成俗之遺意也予有舊宅一區前堂後寢兩翼俱備可
改爲小學延端謹生備教子第請書曰禮朔望耆宿相
約講讀

聖諭及孝弟禮義數事以化導之乃推前絳州幕陳宗憲
及耆儒數人作偕于街爲置田二百畝歲取其租以爲
延師收書及束脩禮飲之費庶乎禮讓可興俗風一變
乃爲之以告之曰吾鄉之老者仕者少者士者農者商
賈技藝者其聽吾言乎夫古之聖賢與我同一性也同
一道也聖狂之分學與不學耳三代之教自國都以及
州里無不受澤之人故禮讓成俗遠近同風太和之治
莫有加焉後世風俗之不如古非人性之殊也蓋父兄
不知教誨子弟不知禮法利害相形詐力相傾而民俗
日益偷矣吾鄉子弟果能入孝出弟忠信不失見長者
而知敬見少者而知愛見賢人君子而知取法見貧乏

患難而知調恤扶助我以此施人以此報遊俠詐暴之
習泯而忠厚禮讓之俗興爲士則顯榮爲農則富厚爲
商賈技藝前利益老者遂其安養少者得以成就富壽
康寧樂樂利利是汝自求多福也不然傲暴恣橫世濟
其惡棄禮滅義入於刑憲是人皆求福爾獨求禍人皆
求榮爾獨求辱人皆求生爾獨求死人皆求爲仁人君
子爾獨求爲凶德小人非天降災乃爾之自取也夫事
成於忠厚止夫之人而壞於傾邪狹小之輩教行於積習
悠久而廢於在輟不常其必忠信相與勿生嫌隙斯說聞
之言無自而入而事可永久矣諸君宿長者諸賢子弟尚
宜益省於斯